



北
碓
詩
集

共
四

一
之
二

未
共
四

278
1284
1



1284
1



北磻詩集

奉酬

光孝堂頭禪師

龍泉葉適

簡師詩語特驚人六反掀騰不動身說與東家小兒
女塗紅染綠未禁春

新詩尤佳三復媿歎然有一說不敢不告

林下名作將以垂遠不可使千載之後集中有生日

詩此意幸入

問知尚一

思慮何時
其語少慰孤寂

北碕詩集卷第一

孤山行

盛時考槃古逸民湖山草木咸知名至今八篇爛古
錦豈特五字如長城長驅萬騎到其下束手按甲循
墻行大邦維翰蔽騷雅遐衝既折猶精神抗衡劇益
一敲國彈壓西子孤山春死諸葛走生仲達送修靖
邀陶淵明聚蚊莫及怒雷迅老瓦不亂黃鍾鳴清彈
豈爲賞音廢自芳更問林扉高鷗盟未冷浪拍之戈
者何募鴻冥之水流山空鶴態度水枯雪寒梅弟兄
梅當成實自調鼎鶴既生子仍姓丁鄉來偶同賦招
隱老去亦各相忘形故廬夜夜月如晝少微耿之天

無雲千金儻可市駿骨萬古適足空凡羣百身可贖
但虛語九原喚起知無因爲公滿酌并花水醉一杯
土公應聞

塘淫

蒼官百夫雄盤錯千仞岡鐵幹紫尤勁銅柯青更剛
屢吞霜雪敵弗受斤斧戍支厦不爲柱跨壑猶飛梁
胡爲在泥滓斷岸繫關防豈伊堅貞姿泥滓永相望
中分朽其中脰合相抵當彼巧事穿鑿我方信行藏
惟其司中內秉彛德之常謹口飽涵畜與時相抑謀
持滿豈無道損餘端有方尾間小溟渤砥柱回汚潢
瞥爾手翻覆枯涸隨汪洋叔度萬頃陂未足與較量

匠氏弗遇郢才不登俊良藐然用其小約水不得泔
有若古豪雋落之吞湘江遭時發所蘊利澤何其厯
時哉倘不逢蕙帳雲霧窻獨善與兼一微元非雙
任大豈遺小養浩惟能降對此一感慨勿謂吾言隳

檄菖蒲

陶器承崑岷獵之散綠絲飮以一杯水午歲長如斯
露葉轟鋒鏑霜根蟠嶮巖昌陽欲論功十駕不得追
松柏脚踏土並驅仍背馳寒苦我所安泉石皆聞知
豈意泉石間得此償心期澡濯異懷新疏剪貴適宜
芳潔日以薄潛逐炎涼移謂我水太清汝便清漣漪
抑我水大渾古并非汚池孤根要特立晚節須堅持

貞姿或不返終當怨尤誰春葩與秋蕪擅羨固有時
西風一搖落不死將安之亦足觀物化亦足爲箴規

次官講子素齋韻爲別

是短何曾計鶴長從他踽之復涼人馬歸塞上元非
失弓在人間豈是亡旋別薰蕕充子佩賸栽紅白課
蜂房到家趁得梅花在分遣飛來數點香

無言桃李各成春造化番騰巧入神佳境駸之逢蕭
尾苦心隱急飮猩唇蠖雖善屈難忘直虹豈長蟠不
得伸一日百畦幾事了區々亦有漢陰人

月初九日客舍

水凍氷連底山凝雪滿顛恰纔如舊臘全不似新年

綿折何曾暖柴牛只擁煙較他山店雨柱自怨秋天

上錢昭文○代李少潛

柱天有佳木青跨雲沈之不知幾何高四海分清陰
悠然響虛籟萬象寂若瘖寒則爲陽和益之春晝深
穆若吹清泠六月消煩衿烈風益遭勁厚地盤崎嶇
濃翠出雲雨大旱後作霖巍之架明堂枝幹端可尋
上有孤鳳凰下有衆羽禽和樂聲成文憂擊韶濩音
大雅得指歸一洗鄭衛淫向來艱難際凡才空滿林
天風一披拂寸碧開遙岑遂使化弦改人命蟻出燭
大哉德日生抑見天地心悠々江海人蜀道捫井參
懷土如仲宣破囊無一簪回首日玉霄欲往勇不禁

區之竟何有有句如惜金金亦不足惜鑄作頌與箴
早課
井花嫵者鬢梅花先酌芳甘炷佛茶冷淡工夫相次
了却留窗日看橫斜

水仙

矮叢傍砌小成陰凍徹數腴謝水沈細著鮮風扶弱
幹賸將零露酌芳心華裾冉冉低青綬柔玉稜之瀾
嫩金弱水繞山三萬里斷魂長記碧蕭森

和六一居士守汝陰禁相似物賦雪

漣漪碎剪成新萼廉纖帶雨尤輕薄人間但見巧奪
騰天上不知誰制作九地瑕庇都粉飾重雲指寒巖

恢廓曉光殺目增眩轉夜色侵燈方閃爍康莊充斥
去無路老幹壓低搖不落寒稜凍得水牛皮氣艷冷
欺裘擁貂可勝思苦相嘲謔旋忘手凍爭拏攫亂季
平堆可照書圓瑳小握供彈雀靜聞裂竹亟扶顛勇
作探春思躡屩犯寒果勝附炎熱苦飢預慶歌豐樂
長鬚嫩煮芻方泣小龍新破團初淪默觀造物真戲
劇更看一色吞沙漠載賡險韻付銜枚孤軍大敵空
橫槊寡和尤知白雪高非偶自貽齊大噓

和東坡守汝陰禱雨張龍公祠得小雪會飲聚
星堂用歐公故事

六花萼之都無葉萬花鬪白都輸雪緩飄微霰止還

集急趁回風飛欲絕山固無愁鬢先老竹非爲米腰
頻折鄉來囊螢本同調今夕風燈不愁滅僧囚處之
茶煙濕漁舟箇之綸竿掣老坡不犯汝南令粲如晴
午裁新纈乾坤蕩人無吟畦比類區之空瓊屑霧沈
雲重託歲難雨收風拾書輕瞥肯爲忠臣六月飛騰
煩太史從頭說麤人金帳暖如昏詩人布衾冷如鐵
借榻妙上人小樓簡圓方外

瑤溪鹿苑寺

唐刻文雖泐梁時寺可稽已無金布地猶有寶名溪

透骨清貧兩苦心圓方覓句妙方琴尚堪擁鼻麾崔
烈來借樓頭破布衾

水媚珠生浦雲低篆繞畦夜遙僧定起璧月在璇題

鹿苑乃月堂昌禪師受業

水自朝宗去源曾發此來惠琳參政事澄觀擅公才
葩焰古難續襲衣今未開不知五百世幾度擢陳荻

送友人歸湖上

雲卷雲舒欠十成暮霞曾誤客占晴不堪滿載朱涇
月冷落易關第幾聲

雲錦亭

花圍竹護錦成林蒼壓紅雲遠砌深燕子來時寒未
了莫教簾幕帶春陰

秋塘陳敬父席上餞薛子舒之官建康○此年

子舒亡

秋塘自是眼頭高，倒屣於君老更豪。興盡有時聊訪戴，法當無酒亦邀陶。鄉來文字如翻水，近日工夫又及騷。月是秦淮舊時月，平分只合與金刀。

哭趙別駕子野

年高唐進士官小魏，諸王落之青雲步。腫々古錦囊，筆隨文琢壘。劔返虎丘藏，分得閑風月。湖山不掩光。

謝張丹霞序疎藁

裳織新雲錦，交尋舊布衣。荆蠻九鼎重，嶺海一宮微。心事淵明是天時，伯玉非談高方誇。調古獨巍々，亦有蘭爲佩。能無簡絕韋，濯纓東礪水。訪舊北山薇。

老我家何在，顛風鷁退飛。襪頭常反著，車微每殊歸。但覺烏仍好，端知驥可晞。草中同臭火，爨下賞音稀。煮字徒相餉，忘言合見譏。牛腰繁卷軸，蚌腹欠珠璣。重借言如史，輕因鼠竊幾。香雲甘寂寞，華袞借光輝。雞肋初無取，雲片小足揮。樓寬長挂榻，月好許敲扉。踵息寧乖衆，心聲願聽希。李雖嘲杜瘦，孟不與韓違。末路且多助，孤軍佇解圍。載驅慙款段，忍負鏤金。

趙紫芝得菴材圖拉余與趙山中同賦

中原聞休兵，久客問歸路。窮途倦策蹇，窘步甚脫兔。小立候柴荆，互闖走兒女。喜極先蹙頰，恩若旋煦嫗。觸緒盡愁態，撫膝見濡慕。諸鄰稚扶老，旨畜各攜具。

老瓦勇倒瀉飛觴約深注居者訴微調歸者訴羈旅
懽呼賀生還不醉不肯住晒乃驥山夢奇警在團素
生靈果何罪此禍竟誰與眼明新畫軸心折舊題處
掩卷續微吟玉倚亭下樹

雪夜懷上人借衾

挾纈如冰薄無氈暫客愁綾衾閉直舍布被老夔州
樓上方撐起山水莫倚休歲寒知小友餘暖肯珍投

趙紫芝雪中見寄

易銷知地燥未濟識天慳凹凸難行處糗胡轉盼間
定應憑小檻頻看釣滄灣嫩煮添茶興何須倒玉山
○公不解飲

羣峰驚鳥老猶自習人寒石火雖紅擁慵吟只白弄
不妨添冷落何暇掃零殘小竹籠葱日銷鎔却怕難

池雪

填得中心合鋪成四面齊寶奩方剪玉譬範直裁圭
水鏡難呵霧冰田不點泥霜蟾都隔斷弗許透靈犀

耕雲

雲子炊香欠策勳無心亦作一壟耕石田也似畝田
瘦不是冥搜太瘦生

茅屋

素得蔓筍不足占趁晴翳人揀疎簷弗圖炎背十間
闔試策奇勳到黑甜

酬陳中書楊侯家賞瑞蓮

法自春秋著一玉不曾紀瑞到蓮塘露盤對倚金莖
小水鏡雙尋玉井涼同樣著花仍並蒂異蓬結子不
分房會須問字求玄草接武華風到後堂
似城傾國儼侯王千載餘芳託藕塘紅入雙葩相豔
冶綠搖萬柄覺淒涼側承初日聯風袂並桺殘蟾酌
露房花下詩人長不老宮堯直禁玉爲堂

火陵畫象

我思澣花翁夢繞浣花水存竹一頃餘杜鵑暮春至
開元天寶間九州暗風塵新詩一洗滌天地皆清明
槐葉一杯春思君欲走致悠然憂國心天地相終始

賈長江畫像

苦吟京華春韓門得歸鄉但知空啞羊未暇識龍象
逢人問梓州策蹇來長江長江蛟龍怒濤瀾相春撞
公來一彈壓熨帖平如鏡新吟若爲容禹古秋濤瑩
送宇文尚書宣撫荆湘

偉哉不世才要爲天下奇一鶚不待薦自受虛皇知
力精運甍處心切聞雞時去年鎮南徐前年來合肥
至今軍與民念之如母慈肖象繫遺愛豈特甘棠思
便合登嚴廊虛襟待疇咨春風玉筍班夜光增陸離
荆楚天一方有生懷保綏不向繁劇地何以觀設施
明明重意大任端自茲諸儒浪誇託自許傳與伊

重內不重外圖安不圖危一旦大典章菅然如亂絲
始悟火更歷雖悔將安追有商六百年不待試者誰
版築與割烹中有輔相資後世伊傳流紛紛何多爲
公乎風塵際卓犖起一夔軒昂氣如虹霹靂手欲龜
永懷更一行策勳早言歸坐理天下事迎刃而解之

山中像

之子瘦策湘竹枝寫我委羽春耕時鞭索在手橫谿
涓看牛飲溪特于隨開窗卷簾驚見之有二文殊還
白疑鏡中瘦影絲髮無參差又如飲溪牛背連背蹄
踏蹄恍然因我得見伊不知見者端爲誰

丁 除夕

結局又開端更初數到殘小須新過割却問舊不
事三從頭起悠三倒指看六千三萬日逐日度何

松谿

翠蓄童三勝碧油老根榕石漱溪流秋池兩部吾無
取留得江聲 屋頭

正月初六觀燈

山歛吳雲暝幾層卷簾都上內前燈朝奠六葉初弦
月猶作朝天淡掃痕

挽同衣

有地皆堪隱云胡獨指西却燒翻濁焰剎說聽新題
春薺挑蘋渚秋荷綴稻畦覺天無落月耿三印苕溪

印佩三周法蓮栽十丈花源尋南嶽正路華化城老
靜與月分座閑如雲住家不知百世后誰索紫金車

登齊雲樓

雲與蒼楹面面齊脚頭高處覺雲低水圍萬雉半煙
雨天微四岳漫吟睡冉々無心猶可拊堂堂存路亦
堪梯若非夢澤曾中小空倚闌干到日西

孤山路

截水開平地浮天界碧空有雲分越鏡無柳似吳虹
菱棹闌于外荷花鑑影中斷橋吟不盡行過御溝東

四月初八

只麼隨流去如何慶佛生飄零嗟却濁湔洗俟河清

託諷知無益纔說又不情韶陽奉塵刹不薦一杯羹

續懶菴王前素挽章

死回生前辨銘留去後思尤疑龍井迥隣傍鳥窠移
殉有登山屐傳無跨竈兒它年三尺劍誰挂碧松枝

書智迂抵觸圖

力敵難教死鬪心墨輕毫淡柳陰陰莫將抵觸迂奇
思只寫洪川扣角吟

孤山前舉溺死者

柳色經秋草葑湖菱荷彫盡到菰蒲誰將處士孤山
路幻出天台九想圖

醜韓澗泉

鄉來風騷壇作者肩相摩遂使宋嘉定不數唐元和
礪泉一官冷門謁雀可羅管中既微露屢倒名勝戈
自笑不入時獨對兒女哦錦瑟豈不好弗好如之何
豈特弗好耳平地千丈波冷之玉藕缸豈曾翻釣蓑
歸與造物游坐受醉尉訶雲月相獻酬泉石供婆娑
幽芳時自妍幽鳥時自歌遺補南礪書樂勝東山阿
懷哉東華門白玉鳴朝珂忸怩避讒諂越越虞坎軻
聊將須臾忍付與兩鬢皤聽君閑適篇所得誰最多
持此壽閑適金蟄空坡陀思君令人瘦水遠山峨峨
寄聲謝鴻鵠爲把青銅磨莫嫌俗眼白且惜朱顏酡
吳吾何待制遣四鶴入山

竹扉無人敲掩關長夕睡一飢苦難療三篋收奇勳
鼎來四胎仙緇袂每玄盼其一行且却隱若避世紛
其一擬前邁步武閑如雲咲者又其次畫然憂天垠
季氏響相答和樂方閭之昂然青田英暫爾北礪濱
鸞鵠倘可侶雞鶩端不群乘軒初何心在陰當有聞
日飲淵底淥時豕嚴根芸華表懷故都蕙帳悲移文
仙凡豈異微風月當平分主人爾同調與俗相藉薰
浪迹羨富貴永懷酬典墳衡連老蒼官從合抱節君
遣爾尋考槃亦足晤吾軍人方斧摘梧對此齒沒齟
駸之恐爾及惴之令人懂宵中小天地籠中何足云
陳卿座上得貴寄

後來如積薪在前類楊牝群飛刺天去尋墜九地底
扶搖轉羊角刀盡回應爾趙孟能賤之何取趙孟貴
譬夫春方妍處處耀桃李冶容倚皓態厥類巨勝紀
一時顏色鮮水之曷足恃要常見平生姑待灑商至
榷楠大蔽牛支厦棟梁器春風不知喜秋風不知畏
炎之金石流廩之復墮指四時有常守坐看造物戲
用大古所難肯顧馬牛廢懷哉楚令尹落落差可疑
彈冠既三仕解冠轉三已豈弗曰代畊豈弗曰行志
終將奚以爲了弗事慢喜一笑付倘來道在百不理
特撓固超絕小智謾嗟異區之榮辱際判然遂成二
炙手苟可執駢首爭附麗欣戚變妻孥况復論州里

悠哉經濟才未始挂牙齒不獨不過口未必不掩鼻
惡此而逃之政恐不免耳弗爲天下先聞諸老聃氏
徐行後長者孟氏亦若是聃也未暇學之孟顧不辯
唐虞已千古執中揆諸聖問之果何事存悌而已矣

黃龍洞前遇倪文昌賦悵之清

止止天連碧沈沈鏡不磨淵源端有自潢潦儘從他
清可辟流賦渾貽濯足歌中津誰擊楫後進自盈科
亦有西馳者其如北注何還元雖一味到了不固波
至潔清嚴瀨孤忠歎泪羅句貪懲俗不汲醜樂天和
洗耳成輕去乘槎倘重過咸池昇曉日何必挽天河

茗溪晚歸

輕羅熨帖展谿涓濺沫飛濤頃刻移蓮子焦時紅蓼
紫米菱缸小不禁吹

晴趙天樂

桂爲詩人馥隣喧羯鼓催秋肉無喚起海石借飛來
眼老因山碧襟疎並水開何妨不解飲對客淡持盃

化周大孺人長明燈

古佛舒光照夜遙微明欲熄倩誰挑福出中有光明
藏試遣周郎問小喬

吹香

寒壓痕雲凍不消華風醞藉不鳴條瘦枝褪煖無多
韻亦有鮮明玉色潮

芙蓉

谿痕寒不肥岸容晚益退其誰憐婆娑明霞剪零碎
爛三飽冷露酣三俯清瀨宛然古銅碧嫣然艷粧對
又若翠袖薄瘦立煙渚外西風僅如許晚節尚可待
遂并拒霜號不受斷腸流亦豈無老成試請推行輩
桂騰小山馥菊耀東籬米裳襯芰荷衣服稱陸離佩
芳芷雅相鄉宿莽安敢背花城隔仙凡俗說信茫昧
獨有離騷經名氏得先載

從聞從思沐髮

絕頂叢林茂林葉蟻虱象龍爭迅捷湯沐風晞暴煖
蒼藪剔原搜會秋獵齒豁明瑤水爲扈編密青琅陸

馬啜圍漬猶思勇負嶠匪塵匪腐非虎兕小生束髮
能操觚亦有武備當前驅但知疎散非長計不知遠
岫雲如髻

黃茶

官焙曾看白玉花不知黃玉在山茶淺欺羅柳香仍
烈輕壓茶蘼淨弗瑕著露未晞纔半萼倚曛欲透忽
全葩月團已屬盧仝賦別調何妨記物華

慧日致爽軒

襟懷淨無塵大山巖之秋心聲響虛籟何俟西山幽
悠然一段清可就不可致苟非可人就未必蒙倒屣
吾家短髯翁吳霜詫新茁因依眉睫間漣之可濯熱

鈎簾事晚眺層翠出林杪一笑白點頭萬象同颺颺

福山渡

鯨浪粘雲白狼山隔岸青鳶來方跼之鴻去忽冥之
欲濟江程險先祈海若靈賈胡糾習俗拋擲有殘經
樹經火而殞今復榮茂○大慈

無藥醫雙樹板枝忽再春不隨人換世曾見寺歸真
雨露雖全節風霜只半身榮枯相倚伏東海復揚塵
雪窻

小似剡溪舡方方斗底安綠䟽雲母透青瓊水晶寒
蟾影從低入蠅頭得細看人皆苦炎熱一點不相干
姜貧樂青龍征商

月冷孤山幌潮翻溷瀆春關幾今不古課最食常貧
北鴈雲難駐南板雪又新莫教詩滿篋忘却寄來頻

張王薄葵菴

寸金尺地長安土不種其他只種葵
倚太陽知向背土於生物薦華滋
睡醒簷影二竿早歌徹花陰幾
綫遲欲勸飛光一杯酒要看側蓋繞枝

有虎○嘉定五年台州有虎入城

悠々天壤間裕各得其所獸蹄交鳥蹟堯憂填肺腑
偉哉神禹功德遠前古九疇既定位禹生斯按堵
奔馳服牛馬飛潛適緜羽虎豹嗜殘暴山林託深阻
云胡不莫居出轉嘯當路昨來東家媪云汝三眼戶

西隣競相告豐豕婁攘取行葦既踐履生理靡繁
田野日撻動老羸因病寔遂使屢屐歌不待黃昏
唐虞全盛時四凶怒如汝赫然雷霆奮四罪同一舉
彼無罪汝意汝特犯其怒商監猶未遠與汝凶孰愈
蠖遭愚溪宥鱗避昌黎去大信及豚魚二子吾所與
彼暴化爲仁汝仁亦其伍猶來仁暴心不隔毫髮許
度河速迂徒負岫母跋扈况今屬多事誅求猛於汝
兩雄不俱立孤蹤曷足怙勿謂三家市智勇未易數
智者有餘忍勇者有餘賈排雲叫閭闔長歌埒林莽
四聰若旁達百揆必鼓舞毒機發心中馬悔竟何補
丁寧不汝欺盍亦聽吾語苟如不我聽是不聽堯禹

窮蟻

窮山忍調飢小肉玄豹蹲百行無一羶爾類曷所聞
倏忽來往頻蠢蠕爭效繁報王張義氣賈勇如虎貴
鼓行有行伍回旋呼弟昆強然方解嚴翁然新分屯
長蛇偶成勢偃月非無轍啞膚甚蟻虱足馭不可捫
上我古生臺隙我新堦垣綴我玄兔頰飲我陶泓渾
或循伽梨圈從朝不知昏小彈復就地詎忍傷其元
屢掃復屢集再馳仍再奔咄哉誦箒兒輕儂真少恩
不復事掃除直欲加燖燔片兒旋呼蟻請試爲蟻論
好生乃大德略聽吾嗑之爾官大樞國附庸檀羅栴
南柯在其左東廂曾偃藩休云城郭早中有侯王尊

蝸甲貢庭實蟲臂供盤飡犒享日厭餘糗糒時有存
可以燕族屬可以蕃子孫悠哉天地間曉然愚智分
鵬則搏扶搖鷄則止棘茨螻螟固微茫觸蠻方并吞
巨細俱逍遙彼此適晏温老我不足慕負爾猶忍言
爾留固不惡誦箒真爾寃去去別處去我砌休重放

蝗去

人言蝗有知我謂蝗無知使其果有知不出昌明時
傍睨聽我言飲笑輒見嗤問之何因爾却立雙顰眉
甚矣驚且愚抑非狂則癡諒不閱圖史又弗聞書詩
不知朝廷尊但習山林卑耕稼徒勤勞理亂慵考稽
嗟子昧理道使我繁言辭伊昔貞觀中民生皆熙

呻吟化謳歌文教漸戎夷行旅弗齎糧道路無拾遺
外則方與虎內則傳與伊腹心頗騰任股肱良倚昆
四海同車書九重垂裳衣虞夏相較量毫髮無參差
善采魏鄭公惜哉封德彝當此全盛際蝗起夫何爲
初傳滿郡國盜復侵京畿民瘼副所求丙夜長懷思
未且坐以待罪已勇不疑奮然事吞噬厥類舉族移
上帝斯下辟捷於聲響隨良苗曾勿傷凶歲稔不飢
太倉皆充盈老瓦相淋漓開元天寶間變理頗失宜
蟲橫加暴殘田稚難支持號令速且嚴捕逐期毋遺
限刀日困斃彼類尤蕃滋不能格天心徒欲徇己私
設或遇水旱人力惡乎施世變日益下湯德常巍

盍廣成湯心以爲百世師上自天子聖下逮庶微
德合倘可行力勝勿自欺可以辟火災可以延貞祺
我固肅聽瑩奉言其敢辭再拜嘉昌言大明燭冥迷
仲夏月既望我適田中歸趨言五六輩出入荒芄茨
見之輒休場滂然揮涕洟小復相與言胡爲乎來茲
倘爾因我來伴我食蕨薇毋使我稼傷勿令秋庾虧
俾其豐稔盛餘則糝藿葵謹勿鳩爾類謹勿增我悲
爾衆易暴寡我瘠難再肥一善倘可穰衆戾幸見歸
天乎弗遐弃雖死甘如飴蝗方蔽天來容與天雲垂
悠哉鞠而集果適他山飛翼聞斯行諸今者親見之
便當如負暄排雲叫天靡庶幾得一得或可贖萬幾

宣不夢堯言下付百職司上宰天下平連帥闕外威
鄰國其頒行風俗端可移勿謂此追述試以誠至推
推此及四海貞觀何遠而當法太宗是母遠姚崇非

送陳紫薇分韻得壽字○立道赴宣州

皇極建五福筮得一曰壽人間最殊特何者出其石
待以奉君子數量未易究樂哉仁者靜克享本天授
况復湖海豪不在曹劉後良玉市有賈韞匱敢經售
用大古所難踰縮萬牛脰巨鏞當篋篋欲振待洪扣
乘槎到叢霄下士逮圭竇藥物固滿篋驥子亦盈厩
弦歌羨遙夜圖史樂清晝養高知道腴思苦坐吟瘦
淫蛙不停響老鳳合伸味想當吟酣時俗駕不得造

廣居與正位自有不須僦一篇薦藤筍三舍避袞繡
挂玉破官舍芝蘭茁瑤甃莫訝分符速正恐傳衣驟
歸來黃金甌名氏得先覆看鏡了心期一笑丹砂就

陳紫薇知宛陵出關三日復召歸

竹分宛陵去環賜北關歸出晝只三日排雲趨九扉
春風隨意好卿月上大飛想見高寒處腫舌並紫微
籠鎖新鷲轉簾容舊鷲歸禁林仍下榻畫戟漫開扉
虛與谷相應淡如雲自飛升沈知雅量喜愠不幾微

丙菴惠海棠

妃子驚回午枕時別無名品略因依効蠟已笑林禽
粉譜俗偏嫌謝豹緋碧酒暈朱穠未褪丹肌痕露欲

全勝同盟更有紅千葉細剪垂絲緯綿機

送葉桐軒赴永嘉上幕兼簡劉使君○全之

清才出故家幕府在東嘉吟熟蕃池草潮回富石花
霜垂低樹實珠滴小槽霞更勻龍翔碧晴窗試麥畬
鴈宕雨初收遲將部曲留佳山如好友遠仕當清游
憶與白鷗侶曾盟賢郡侯依劉可無地莫倚仲宣樓

青龍張賢良四高堂

肯續高人傳能分鼎足無煩君添一箇爲我壯全吳
正學非認士清吟豈釣徒須知而祖意斷不在尊醴

柔葉

羽葆歌墻綠未搖春風易放麴塵消天教葉之關機

軸不與群芳一樣彫

盤鏡

新苗吳霜剪不零陸鸞羞澀對星之天生兩眼人嫌
白只有青銅照得青

薜子舒半鏡

餞暮綠雲吞嬋娟徑圓千里虧一邊何年吹缺障九
地更復幾時飛上天不悟素爲明所誤削地更無開
拓處遂使騎鯨汗漫歸擬斫婆娑鏡中樹又疑白玉
樓居大手筆喝得倒行輪半仄至今弗作玻璃聲
自鐸之作金石不然十連酬賈難怒髮廩之衝其冠
歸來寒芒耿夜闌亭之小試龍文看半規腫大儘分

曉團之如漆知多少是中觀德又觀空缺處何曾礙
圓照

立夏

弦改雨薰曲自調縈回小篆水沈消葉舟自打窗前
過只有楊花度小橋

悼趙紫芝

不解俯華簪峨峨獨苦心反騷嫌火作菴襖動新吟
折玉蘭風急推金菊雨露中年兒女泪消得幾沾衿

楊梅

枝繁疑墜地煙暝欲燉空止渴差相似和羹却不同
每嗟龍井日易變鶴頭紅好在文園令冰盤對晚風

千葉梔子花

雖與餘香別何曾別樣開一花分六出千葉是重臺
玉潔渾無玷金黃謾奪胎尋思天下日只合友江梅

盤隱陸別駕樓居

別浦潮生玉一痕倚闌日送渡江雲瑤蓮秀色連秦
望商略風煙到十分

隔江便是越州山無雨無晴儘好看不妬卧樓高白
尺妬它終日倚闌干

頤齋○其子與巖同改秩屬竹巖素賦

有生分貴足之患不自知之貴得所止不止盈益虧
盤礪隱淪友圖史森森採枝閒適壽且康不止將奚焉

卜築脩竹間養正是用且惟其得所養自樂頤之時
初筮得上九頤道皆備之靜默戰紛華燕晦觀群蜚
對月喜秋霽問柳知春歸鳴鶴聞夜弦振鷺驚畫棋
池寬縱魚樂機忘悟鷗疑幽草時自妍歌鳥時自闕
釣則鉤可直執則芳可移酒酣臥花底不知吾爲誰
起來飛羽觴萬化同熙之藥圃雨新霽徐步觀耘耔
眉津雙解壘心淵平弗歆醜顏渥旦丹老鬢秋不萎
從它自逐大舍蒸觀朶頤

贈寫竹葉生

二手一楮成九年一弓就雖刮造化骨摠落造化後
葉生翻襪法二者竟何有因依霜節勁繾綣虛心厚

細意幻扶疎與俗洗焚垢慨慷縱一醉頃刻便千畝
不知盤礴時更有全牛否忍貧不謀富捉衿見兩肘
千愁伶竹瘦百屋嫌銅臭雖無種秫田亦有吸川口

可廬

傍水依山便託棲百年心事若菰茨恰來彭澤歸來
後柳色遮門菊繞籬

苕谿行

清茗可鏡亦可漁風煙佳處畫不如無錢買田傍城
闕擬僦溪叟西隣居得魚挽得菰蒲米菰煮作麋飽
則已寧能負腹不負人以腹負人不若死富春殘火
猶堪稼上時容易艱難下在山遠志山可移小草還

復令人譏菱歌慣濤瀾樵聲出林
曠蘋風爲誰好壁
月待秋滿延月入懷輸慙欸好風
未必無人管筆床
茶竈散人家何須去乘牛斗槎

九日登蓮峰得二石一石如魚而尾赤名之曰
頰尾一石有眼口鼻名之曰山鬼

青巉俯碧溥潛伏翠層深雨蝕蓮峰碧嵐昏鷲嶺陰
及雲生燕寢片玉下岑崟可拊仍堪擊依稀一寸心
怪狀出巖高山精死弗靈又如雲子白質帶上花青
雨信莓苔濕蝸涎竅穴腥九歌如可此爲爾續騷經

醜毓齋李尚書

惜閒如惜金不攢雪侵簪步向青冥却交容野逸尋

禪深排默照句熟動酬吟得趣忘弦索無聲自賞音

寄鄉州憲使曹國博

應岩秀色連脩眉習中豈止雁宕奇展旗卓筆在懷
袖文事武備皆稱之劍南江山梓最勝彈壓江山須
逸興國子先生繡斧光一道風煙入評品頗聞邊警
喧蜂薑談笑從容起彫瘵勿謂生平少作詩古錦可
容空載歸○公書中云平生好詩終不能好

醜楊左司○代盧玉堂

蜜花小春操日笑雪萼遲中有千斛香半黥不自私
逮茲良月半著得鮮風吹之作群卉先以慶此段奇
悠然一醉風粲然一解頤孤芳爾何事要結斯人知

紫荷鄉來橐緜庭親付衣今茲玉筍班默贊元化機
不知春幾何但見物自怡藹之蒸粹和蕩之生華滋
問之何因爾有以潤色之善頌繼善禱試聽與人辭
亦既多壽心頌禱夫奚爲盍觀與人心以尉與人思

逆風行

大塊噫氣一氣同條達萬彙參化工不教扶搖轉羊
角五日一吹零雨濛喚醒枯槁皆蒙茸假借秋鬢向
春容後來見說蘭臺官君臣相與論雌雄至今雌雄
無辨白幾回擬問蘭臺客便從平地欲冷然結口土
囊呼不得坐使六月七月背汗揮老農燥土滴作蘭
塘融赫之炎之濯無處積威蓄銳盡數施玄冬一葉

東來順流水怒號不肯吹虹尾轉虹又復投西去蓬
蓬依舊從東起試從逆境求諸已可容不拜飛廉賜
謹勿顛狂蹈前轍長小鳴條伴華月

拜真歇了菩薩塔

只作深雲土一杯象龍蟻蟻弗同謀鬱金薰陸不足
道行潦潢污端可羞豈特龍翔開壯麗也曾雁宕見
賡醜人言合瘞凌霄頂我謂凌霄在下頭

燕京葬虛女冠居之

觀裡黃蜂晚退衙觀前桃著小春花更無尋訪麻姑
處零落風煙似蒸家

謝橫別駕

日者鴻鴻序年來月旦評芳騰新令問絕似老先生
特立風塵表全消鄙文明步何妨展驥樂豈俟專城
書卷終長策雲笈尚短檠不知身富貴猶遣筆耘耕
大雅連城重籟金一羽輕無弦皆古意比竹謾新聲
玉骨難教俗金莖只得清試論簪履舊細云杓高情

謝人惠鬪綵袱

碎紅零綠盡其且駢儷收成一段奇曲砌鱗云尤頴
密方聯翼云自參差大成富有諸家善小數窮如集
句詩蜀錦吳綾重表出河蠻針線策勳時

李燕公生華亭尉廳舊有相公閣可齋洪少府
於廢址更爲夢燕堂用玉燕入懷事永嘉趙清

曠索回賦

適華胥氏開津來祥兆其先必有開偶爾入懷真是
玉及乎同夢却非梅曰蘭倘可名千古指李何妨又
一回未問讀書堂上客斲輪堂下亦英才

瑞香兩首

舊從康俗老千峰紫綺裁葩萼萬紅一與宮花分次
叔至今羞殺錦熏籠
低欠闌干護綠雲紫苞寒褪暖專英服履不下南枝
拜應使餘香誤得名

隙月

側飛蟾影入簷低鷓勣鳥慵尚繞枝燈炮小窻簾不

卷定回凍合玉樓時

內相洪容齋名諸孫華亭少府日可齋

濫觴學滄溟弗至吾弗已九仞規成功弗成吾弗止
方其未至時傍睨豈知此及其既成後豈暇顧傍睨
或云山既高我則揆諸理或云海未深我則反諸已
所立固先定所詣孰能尼刻瓜大如斗淺諾復輕唯
甚者反自畫不則中道弛傲然曰山海不了可齋耻
可齋何人斯故家振菴水東髮讀父書介特固若是
幼蒙玉堂印壯授盤洲記至於自肯時不見兩君子
黃河可爲帶太山可如礪悠然君子心無同亦無異

醜秋塘古詩之惠

鄉來小朵煙蒼々烏紗瘦策尋初涼囊封借月留雲
章朗吟響苔山琅々寥々十載遙相望尺書不得鴻
鴈將謁來屢分讀書床殘編斷東隄朱黃梅花楮帳
芙蓉裳書傳騰穠掩衆芳前日破雨破竹肉勃窣倒
屣成跟踉寒暄一語不暇吐望之歸然魯靈光郊寒
豈復療島瘦齊大叵堪容楚狂亭亭雪茸未下榻米
采霜薺先盈筐長歌爛々古錦段十詩疊々秋圃場
離騷大雅得祖述夜光明月相抵當不貽它人乃見
及三燕十襲藏緘箱藿葵願頷欠瓊玖誰羨甘露醫
滄浪車輪裹浦碾雲漢爲我舉手瓢天漿

南山阻雪○嘉定十一年十一月二十七西洲

凍合

裂竹聲乾攪夜林寬裁玉楮漫重衾遙知凹凸先平
滿未暇崎嶇探淺深凍折衣袂須煖熨明穿簷隙怕
寒侵西湖凍合方連底獨釣無人傍湧金
密大疎大忽滿林小齋冷直大綾衾旋疑蟾轂行春
曉細看蠅頭到夜深已有四郊三日瑞更無一點軟
紅侵庭除層砌皆明潔長笑當時側布金

送魏郎中出守湖陽

辟邛犢鼻裋環堵長蕭然千金賤賣賦忍爲俗子妍
安知有名勝又采明相鮮環堵不相下危行仍危言
白石萬間屋未暇著一椽吟立鷓鴣行飛作蓬萊仙

鮮爲目前計闊著曾中天千騎湖陽州旌旆行翩大
身若風化首鞭著循良先鱗魚碧潭底瘴海光風前
物既不庇厲俗亦知變迂問之何因爾儀刑邳伯賢
我恐席未煖十行來日邊晒乃韓退之袁州小回旋
當如黃丞州登庸由潁川

李夔州挽章

防拓西南重皇華賦詠優忍將曼國泪來作聽猿愁
瘴掃烏蠻俗吟殘白帝秋脩名磨不得三峽自東流
儉素律豪奢攻浮復填華竹枝謠五袴棠影懋三巴
碓雨催吟翰江春釀醉霞不知舒嘯地誰此岸烏紗

謝高秘書雪草

瘦雲矐雪漱霜漪煙火無功合茹芝囊錦若編群玉
府樹雞唵續晚唐詩

素齋于君實賦別兼簡方巖侍郎

諸公皆青雲一士獨苦心懷哉英雄泪亦復長滿襟
鄉來梁楚聲不貴雙南金九仞橫界墻餘子不敢侵
兩鬢吹黃塵勸翮投晚林渺觀洒勃敵袖手如病瘖
元龍異姓兄老鳳儀韶音秋肉坐欲曙曉燈挑不禁
鴟原思寥寥雁影雲沈沈東觀可縱觀北斗當滿斟
雖無廣文壇亦有丞相衾好隣買道南逸興追山陰
喚起方巖翁共作商巖霖

送方巖下黃巖曲江阻風幾溺

天雲卷礮車橫波起濤頭拔木如剪葉况復一葉舟

鄉來不鳴條醞藉仍風流今也買餘勇浩蕩隳前修
萬籟忽自作蕭蕭夜何其悠然一寸闌雪衮濤山飛
飛廉爾何事狡獪取巧施古井湛弗搖鼓盪終奚爲
元日領客登北高

雲繞蒼楹掃不開闌干直下是飛來笑看白玉芬陀
利領略風煙又一回

別李子源

分攜二十年解后復翩然易舛長亭別難忘短李賢
春非無勝日雨是未晴天最是關心處帆開順水舟

景獻諸兄侍兩國入山

飛鞚入山深幽從野逸尋開開觀噴激雲欽闖欽欽
茵錦蒼苔綠油幢碧樹陰客兒亭最古訪古盍重臨

清明日聞杜鵑

吳越清明四十年可曾歸夢攪清眠
樓頭欲與仲宣語驀地一聲啼杜鵑

方巖侍郎得靈壁一峰名碧雲

坡陀巨璞韜玄質壤斷虜塵天半壁
鄉來誰試小龍文劫得一峰歸笠澤
太湖繞山三萬頃奇產雖多不足惜
雲邊七十二峰青強顏亦復無顏色
滑膚弗受莓苔裹素蘊豈容塵土蝕
雲升霞舉幻瑰奇玉響金湏隨拊擊
一從越相去悠之幾見吳宮春寂之
方巖委羽在何許怙天弱水蓬萊隔
冷然一眸三萬里風煙浩蕩尋無迹
既伴壺中清晝長想見袖中東海窄
那忍篆鼎銘彙外尚餘三丈唐溪石
壁窠不到小玲

瓊却須細細蠅頭刻

盆菊

葉底金莖沉澹濃籬邊令尹酒尊空
回頭說與閒花草自占春三二月風

北碕詩集卷第二

醒菴王大卿松柏屏障歌

青青歲寒之淡交相也揖遜蒼髯稍凜姿古調睿而
實昔未成才先莫逆執此能事柄者誰彈壓王霄王
紫微千古萬古不可追落子亦復四十圍公平多才
亦多藝小試續綸光帝制復將餘墨散餘春煙雲樹
石皆精神擎重雪枝寒不倚霜幹相周不相比山林
豪逸並孤標冠劔大臣橫勁氣想當欲畫未畫時積
思疑慮全天倪忽然直上盤雲覓不見筆墨之吟哇
因依方寸亦磅礴豈止一丘仍一壑良木非摧石不
崩於戲九原不可作

柳絮

輕輕漠漠又斜斜去作青萍漾水涯
院落晚春閑意緒合分一半與梨花

勇作輕狂又懶飛又如欲去却沈思
雲雲不度清苔曲猶受融風款曲吹

送常德徐使君兼簡李伯達

孺子老踰躓尊前小謫仙水程春泛鷁
山驛夜啼鶻屏小梅垂實樓高柳度綿
楚天回雁字幾日到吳天榻爲何人下
昔令稚子溫定馳天際夢來訪水邊村
秦地千年舊桃花幾樹存爲宣邦伯惠
詩禮教兒孫

棧拍

土八花蕩淺林疏雪操鮮後凋非地力
獨秀是天年老我不諧俗惜才如夢賢
明明千古意渠自指庭前

謝隨菴趙牧之墨竹

曾中千畝不願餘穎也戲劇資軒渠
湖州九原不可作百年合浦今還珠
玄卿濃淡巧權變淋浪迅疾如馳電
爲君擊節賞此音孝娥廟刻題黃綰
君胡不歌石鼎聯兩手笑拍彌明肩
又不釣無五十牯六鰲一掣空重淵
幻成羣玉參差立露梢點滴故人泣
鵲落還從兔起時一機纔失嗟無及
我住雙巖峰下寺夢斷池塘無一語
家山新綠報平安萬金墮眼寬西顧
葛陂顧角猶完全鏡中觀影俱茫然
坐令野人破屋

壁萬里風煙生咫尺

書誠齋答晦菴帖傷劉子澄死於貶所

宋司馬後魯威倉賢聖雖窮道不傷老子看棋高一著噬臍空自憶剡郎

石人

面冷如水瘦心剛笑竹虛痕雲衣不浣暈蘇髻難梳
七鑿混沌死十成山澤癯穀城山下路誰復理殘書

墨荔枝

塵蛻冰膚玉透肌皺絺泚墨剪裳衣芳鮮甘與緇雲
老木與輕紅轉眼稀

鳳兒花

小似釵頭纓粟金不將紅淺笑紅深虛名冗到關
草寂寞朝不羽瘖
弄玉何年墮翠鈿託根便作九包妍飛花只合秦
去莫與金釵厭鬢蟬

謝司令惠賜茶

昨尋密齋覓茶喫倒屣踉蹌笑相逆一杯青白勝黃
日好風兩袖來無跡晴窗午景澆風味露飽秋蟬謾
塵蛻周詩雖記苦如茶浮俗但知濃若醴歸來急足
敲晨扉香鬱密雲光陸離圭零璧碎不復惜自候泣
切聲悲嘶不妨寫佛先拈出油然雪乳翻秋色更需
佳士細商評我恐眼中無此生

次陳中書惠生綃韻

曾許五字玉堂詩豪壓城南示阿宜池上鳳毛今幾箇阿宜何侶阿戎奇

錢竹巖之官清遠

汎挂之清遠潮來駕濁流火雲方振虐仙寫自生秋拔宅雖浮汎逢山得款留一夔攜驥子幾度訪羊裘景盡孤臺勝題分庾嶺幽風餐愁款乃水宿貫鉤輻文采休藏豹詩盟莫冷鷗神明母自鄙蠻瘴不勝廖單父鳴弦外巴東野水頭鼎鍾餘事業一德配靈脩

書陳平佐刺圖

千慮難窮智士心周防密計保千金寧能有備爲無

用一寸淵之幾許深

早過湖

喚得航舡傍采菱柳橋竹榭曙煙深舡頭驚起蜻蜒
艇欲立還飛到湧金

日者鶴軒

令威不在鶴軒先華表歸來是幾年試向青田問你
答不知何日去乘軒

題三教圖

巖高風壓樹頭低之子相逢把手歸掩室在陳無足
笑笑它同傳存韓非

苦旱

茶蘼殿春春云徂芳庭過雨紅欲無一晴不雨苦易
久四五十日瞻天衢黃塵陸漲草樹暗積水岸乾河
港枯秧猶未插莠如棘田已不勝龜拆塗沈牛投虎
竟茫昧死鴟脯蚌才斯須蜿蜒展轉不肯寤山川尸
素方窮居困魚止陸相煦濡斗升未必副所需元首
股肱本同德熙怡和樂綿九區萬幾總覽天所見十
日所視昔誰諛商羊弗見來庭除旱魃妄冀逃天誅
曩聞尺箠笞單于豈不足將雷電駟不須決海戒覆
車不須挽河洗潢汙只願閉門十日雨四海涼生斃
九烏

苦旱書蕉葉

自是秋懷易寂寥強將離緒怨芭蕉教它不報露霓
信只願蕭蕭過夜遙

醜謝寺丞○宋卿

厥月維良慶佛生誕彌隨佛際昌明循良既負劔南
最枉直暫丞天下平池草自隨新句好砌蘭長傍故
冢榮當年駢儷歸彈壓今日絲綸要老成

太湖初日

飛光飛上碧瀾底碧跨三州連底明多少潛珍畏人
見只恐犀炬大無情

朱菴睡起

簷外飛花不翳天階前淺水恰通虹借床睡起自作

供餐盡楚英霜後妍

會稽胡丞相過

昔因醒銜水逃空喜弗勝別懷雖易久雅况獨難承
官業清於水家生火似僧不知廳壁記幾箇似君能

桃源行

種桃種得春一原逃死逃得秦外天殺雞爲黍替草
具不識晉語猶秦言昨日相逢今日別流水落花行
路絕雞黍更從仙隱設疑是齊東野人說典午亂多
仍治火此事明明不分曉一秦才滅一秦生避世避
人還避秦憶昔怒駟丞相去猶思上蔡東門鬼縱有
封君祿萬鍾爭如食邑桃千樹空山惜日見日長秦

民怨日偕日亡恨身不爲治時草不恨祖龍長不

拜總持尼祖塔

平生自愛黃金滕肯屈榛蕪草棘深弗似灌溪關上
座尼壇再展不同心

自壽

燕雀生成日幾何枝慙斷斷更無它近來同歲人尤
少老去思親泪更多無事關身慚素食有心作佛笑
凡科思量大欠工夫在更把餘生細濯磨

鱉菴約子與素齋赴二石丈江閣之集得頰字

半川蛇腹彎城頰層雲鷓尾翔山脇紫萸獨自對黃
花采筆不須題落葉山容入秋太瘦生倚筇欲賦登

山行諸公譚玄若破敵萬籟爲我俱銷聲俯瞰市人
酣戰蟻喧寂兩忘同一抵悠然五字隱長城萬馬循
墻看披靡數峰薄暮方展眉笑人買山後小支誰能
料理身後計更復願爲天下奇滄江湖晚黥吞吐白
鬮羣分復群聚出門一笑問浮圖風動琅璫半天語

粟隱代錢竹巖作

坤壤大如許或謂藏於斯此理頗未安如之何勿思
鄉來雲夢吞八九眇而眊之竟何有是中餘地渺無
邊盡吸西江斟北斗區々載笑觸與蠻流血如海骸
如山螻蛄之國蚊睫間開邊拓土久不還隱淪蕭洒
塵囂外六合塵囂在其內俗子先標出大門我欲乘

風跨鵬背

持盃

未必腰纏北鶴騎可堪青女奮全威推蓬教密寒左
重挾纒雖重煖尚微脊足敢忘俚葉記屈身不與曲
肱違缸頭亦有籠慈日水激風回作雪飛
樂歲持盃尚許艱有求那解破人慳立殘穰草堆頭
日撐盡萃蕪斷處灣鍾鼓敢嫌貧指衆斗筲庸恤老
腰頑歸舟只載華亭月不作華亭誤夾山
顛風挾玄霜跋扈清溪陰長年把缸尾鐵面抵弗禁
面皺不暇問腕裂龜又深手中老篙竹出水冰淋
一步一千里進寸或退尋抵死爲食謀俛首潛呻吟

勞人凍入骨寸心攢萬針樂哉田舍郎坐擁廩若林
強使損緒餘瞪目如病瘡所得不盈把粒米敵數金
沈思耕者志豈與舟子心其誰受此施觀此受施箴
送宗無傳赴閩帥楊伯子西禪之招
尚有誠齋老寧馨來尋方外阿師兄滔天入海如涇
濁問公於公獨阮書舊憶蕭蕭分草木新來一再扣
柴荆不龜手是家傳藥莫遣人言藥不靈

盧太君○湖州盧村

老顏瑩玉盧堂前明年一百欠一年歲時羅拜各有
序四三千指說之然髮白衣斑傳家嗣子生孫了孫
生子寸出種德日蕃滋一氣所鍾至於此壽骨稜稜

歲寒後深拜伽梨問耆壽盡將何向南極星化凶短
折爲脩齡

不雨

田欲龜文曉尚龜高高如燎恐雲焦未應天上無炎
熱可是山中欠爨調草偃風顛涼自至雨隨車後暑
驟消冷猿寒玉關心外却立虛庭望沈寥

訪菊

東籬賤剝勿絲毫著得先生一字褒賸馥緬懷彭澤
縣落英掩恨楚江濤綴團曉露心尤苦揖遜春風節
更高不把幽妍酬憤悱鶯膠弗解續籬騷

泣胡晦叔○許魁同南來以納忠見疎飲恨不起

一臂纜交小朶陰傍池分石坐雲深先生自袖春風
手喬木吾非故國心操與蒼官同瘦立思兼梁甫獨
長吟錦囊羞澀慙多助卷盡牛腰尚忍尋
書恨來遲計亦來寸剛不覺爲君摧雙眸忘俗終難
眠流水無情去不回定作雷雲輪宿憤枉教風鑑在
蔡埃斷魂巫峽歸丹旒深注山茶酹一杯

顏丞開爐

鱗差雲母著書囚
欵火深爐曉自粧
冢恰纔消餘桂
覆手終不暖爲
棖香小中天地何妨
大闕裡工夫不
欠忙莫向市朝尋
大隱二松環水自湯湯

梵天僧舍金竹中存綠竹一莖

手栽碧玉間黃金
炎赫流金弗敢侵
莫作兩般分實
相定知一等是
虚心根分麗水
難沈色節老藍
出待賞音終有
九包來止息萬
竿何患不成林

書雪巢林景思詩卷

詩人巢雪如住山
巢中所得強得官
又微不足了饅
粥盡日幽尋遣
兒讀春谷大篇
輒十字鍊字貴
活不貴死鄉來
杜陵有布衣晚
到夔州也如此
乃今遺藁安在
哉古花囊錦宗
文開開緘宛見
諫議面隻字重
哦復三燕三燕
然後耳有聞日
有見見人捧心
壺兩眉不學施
家女只學唐人
詩爲言諸子將
安之巢空雪明
康鼎來

青梅

雪未消時入且評纔黃又屬傳嚴人暫分葉底藏身
地部領豐花過半春

三友軒

矯之蒼髯傍把筇疎之碧玉倚瓊梢飽經霜後轉無
恙未及歲寒先定交影瘦自隨因月上陰濃時有嶺
雲巢此若不獨論三益高節還應待九包

小泊湖州

蜿蜒粉雉枕寒汀闊著清苕碧界塵帆落水晶宮未
曉素花開盡一溪蘋

醜晦齋謝司直和子壽宮使賦歸來望思之臺

推恩保四海寡恩徒自戕父兮不念子悠之我心傷
父子至情天性也戾豈自經溝瀆者回天無樂愈狂
醒朽索胡為羈六馬邪心不作天不疑皇恤江充劉
屈釐蓋脩一悟倘可冀抑免殺身傷父慈千秋一言
機發弩墮甃已非何所補歸來望思兮胡不歸千古
萬古一杯土○晦庵云歸來切憲兮胡為乎君之臺
曷不毀之浚井完廩彼以其存再拜受賜君以其
姬歸來望思兮曷不北君之臺讒言兮罔極靡爲
馬兮白爲黑骨肉兮冠隴忠良兮家之賦白骨如
山兮生長兵間曾不爾思兮天道好還流星兮竟
天歸來望思兮其臺歸然

昭臺行

昭臺一鎖無開扉君恩易隨朝露晞桃笙奏扇果何物不長相保終奚為人言昭臺失其所殆不知其得其死當時嫁作將相妻赤族之頃寧獨遺父兮久持震主威允也景升豚犬兒負芒之背潛生疑旣明驂乘渠莫知君主持心亦太薄滋蔓不圖惟稔惡立無嗣續勸功臣只書官氏標麟閣將軍惜子如惜金不爲長計誠何心丈夫事業當驚世區區自足私家計

又

將軍發機陰中的功如熟稼生螟蟻母儀天下極尊榮非道得之非所得一朝樂去悲相隨霜露既降風

淒其悼之吊骨將安之不自爲計終奚爲關中舊約三章法法當夷宗離逆節况復曾孫誅大臣頃背相望眉不壘昭臺不隔昭陽路花落鳥啼春幾度麟角鳳觜皆可煎惆悵君恩非斷弦

龍井吊古

井龍孤躅轉空濛萬斛泉源憶長公流水高山仍古意落花啼鳥自春風石題峴首千年後人在蘇堤萬柳中惆悵半生行樂地闌干曲曲夕陽紅

病起書蕉葉○三首

寂寞經春苦未榮
驀舒新綠上疎櫺
不追松栢凌霜操
漫學梧桐送雨聲
抽半卷心欣趁曉
剪全開葉恨

遮明炎之三伏流金石來相茶瓜枕簟清

搖青已見及時榮獵犬翻之觀短楹似我不才非世

川對伊側枕聽秋聲影鋪缺甃侵苔綠叢倚蹠孺蔽

月明脆弱不勝連夜雨亟憑幽討錢餘清

青鸞翠尾曳前榮仄雨番風綠闌檻的自夢中包死

鹿悞從雪裡著嘉聲煙寒曲砌秋容澹句滿旁行墨

色明盡是吹來最奇警與君分此一襟清○謝淵清

叟涇巨淵光和

代覺無象續楮衾吟謝樓大參

一合溪藤展樣裁蒙頭疊足傍寒隈玉樓凍合春初

透以有青燈伴定回○樓紙衾帖中有青燈伴定回

之句

送譚浚明歸江西并引

廬陵歐陽伯威父早得句法於東萊呂紫微坐

一詩窮死不悔浚明十年從之或謂浚明狂余以

為未也素齋拉鱘菴作詩贈其行年亦賦

恨無玉楮三千幅盡使春風歸約束樂飢功謝明月

璫休景恩慙艾荷屋朋來皎之歌白駒不歌長鈇彈

無魚批風切月瘦弗腴枕頭一束知何書欲把列城

憑軾下餘子紛絲謾凌跨歸來袖手如病瘖舌在何

曾問人借占燈夜喜傍短檠劇譚不知川月傾元戎

後乘沸笳鼓之子但默黃鍾聲平地邛滕九折坂十

年已恨相逢晚四座悲歌漏正遲一龕風雨花頻剪
鏡裡功名一橫槩百鷲啾々空一鷲雙王未傾嚙木
耻自倒玉山還自起○令名弃疾字更生

酬鈞朴翁梅花四首

槎牙絕後復重甦綽約衝寒瘦有餘自是蠶根鍾間
氣不從春力借吹噓

未朽山礬亦可人聖之和與聖之清由來風物須彈
壓故遣孤芳集大成

暗香浮動月黃昏直與離騷力抗衡今日孤山山下
路對花如對老先生

一枝分遣到朱門未挿銅壺已斷魂龍液麝臍勾百

和清流難洗濁江渾

早行

鴨雉初聲或趣裝強攜瘦影度重岡畏途政爾吳牛
喘誤把殘蟾作夕陽

楊宗伯知舉出院

三級桃花把要津懿文儲德在權衡鸞雛將授三傳
託虎榜先同一辨盟榮以依光如畫錦樂於兼善勝
專城履聲早晚星辰上帟與羣仙地上行

紙帳

玉楮亭亭稱冷官晴雲垂地著蒲團夢回不復疑胡
蝶猶記蟾枝宿廣寒

栢香巖

卜築深雲傍栢香小樓縹渺遠吞江路隨山轉巧當
戶潮與月來高挂因得飽但慚秋稼足愛眠嫌聽曉
鐘撞明明闕劣無求勝一任諸方逮勝幢

老母元宵初度是日立春

冰鑑呵雲薄金蓮照夜遙灰飛催臘盡雪擁待春消
簷已水無柱山猶玉墜腰不知初度酒幾度酌元宵
易水行贈修和謝德之高士

悠哉招隱琅玕然畫然勇變易水寒槁梧語急聲欲
乾哀絲欲絕回風酸激昂餘地涵清園弗落斷崖清
夜湍想當悲歌蓄真怒髮立如棘衝其冠慨慷一死

不復惜從容按轡無求還投機之間不容髮一失萬
古成永嘆塵侵化首壯士死誰寫遺恨歸清彈謂言
此曲無再彈渾剛不敵智士肝腦脂蓋眼日高臥幽
憤欲平良獨難油然易感不易觸徒使壯泪雙泫闌
琴工推琴向我言我指何自生憂端物能移人不移
物安得心廣仍體胖欲令心廣仍體胖不妨試作如
此觀

再贈謝高士得之○鄉先進

我曲非俗音亦非正始音闐然洞遺響萬籟俱爲瘖
有弦不足彈無弦不足尋與之俱浮沈適以寫我心
謝郎介潔彌明操結喉深日蒼髯稿劉生戾喜不相

逢弗聯石鼎歌南風
撥琴速我城南道爲我從頭寫
懷抱不是山林同苦心更有阿誰彈
得到曲終月墮仍反聞欲彈不彈
心自論小侯茶甘回齒頰喚起胎
仙舞三疊

贈悟上人

峨峨復湯湯大闕不可尋
哀絲一彈絕不採焦尾瘖
遂使箏笛耳喜厥鄭衛淫
劃然勇爲賞音廢此道未
必皆平沈盍觀薰弦育
鳥彙不有傲很頑囂心廩完
未既使浚井僅脫死地仍
床琴拳之終慕不知老放
勛賞此不賞其聲音聖賢
不與我殊類出乎其類吾
所欽彈兮須彈古人意學
不當學有虞氏贈穎師者

韓退之悟師鑑賞今其誰

移蘭

蕝劣薰優只自強
寄林亦足稱孤芳
故應紉佩成眷服
不爲無人闕國香
移傍瘦筠同雨露
怕隨行葦踐牛羊
客非九畹同心事
莫反離騷吊碧湘

逆客

老矣無錢買沃州
欲從苕雪問菟裘
却煩二子先歸去
好處林塘爲相攸
欲快青眸忍白開
故將淵默自藏雷
苕溪今日寧無書
不見蘋吹好句來

病起

樂性從前已慣諳折鐺彷彿舊同參無禪無道了生
死問疾問安徒再三人瘦可肥姑小待憲貧非病固
多慙起來細數簷前竹新綠倚之釋半含

過錢塘

初日驅陰積翳銷鶴鵝嘈雜櫂初搖白鷗踏浪平如
地不似吳兒學弄潮

月樓陳寺薄惠李陽冰千文新刻

厥初至文無一字誰將鳥蹟分形似天淳屢警不知
防七鑿纒終混沌死遂令天下後世空紛綸蟲魚鍾
鼎駢相新茫然不理字外意但龍見九州四海軌仍
同文王郎羽化不可馬小篆千人萬人習祖龍無恙

事如麻稍緩簿書期會急西京杜門草大玄諸儒載
酒尊所聞莫言字是紙上語尋古康逵須得門榻來
小楷無餘韻更復顛狂闕草聖不見當時石鼓歌晒
乃數紙博白鵝悠々古恨憑誰雪想見月樓時對月
質衣訪古錦作囊李侯屈鐵千琳琅百金購工鏡翠
琰數間儻舍生寒光欲壽此書休待買待向君家提
此話不圖復見古人心要與月樓同博雅

中秋

得月山房夜夜秋仲秋既望豈常儔狡移三穴雖明
見圓印千江恐暗投於我覆盆蓋鏡面爲誰飛轍碾
雲頭吳兒不管團如璧只唱彎弓照幾州

後中秋夕同淵清叟宗無傳登覺無象宿蟾小閣
練挂河源夜欲流略無雲物礙雙眸有時長恨菱花
破今夕何須玉斧修五載重逢餘閏歲百年幾見兩
中秋更舒望海亭東嘯細把窮鄉今節醺

過剡

曹娥汨血點江湖百里都無綠半篙剡水迎潮須款
曲小分清瑩洗渾濤
春漲新痕綠漸開只知東去不西回濯纓莫負滄浪
詠曾送扁舟泛雪來

蜂房

各開戶牖復尊王釀熟芳鮮又絕糧課有常程分殿
最日無餘暇息奔忙酷嫌蠶尾長搖毒終使花頭不
損香細之中邊分正味莫教勤苦度韶光

清明善住蜂歸用前韻

霧擁雲屯畏失王相攸來此各資糧絮輕漠之移家
晚花冷冥之領衆忙卒歲緩營耕旨蓄掠叢怕有欲
殘香凜然暗室明如晝不待通天一點光

解嘲杜鵑

神或門頭穩挂冠至今猶頌二疎賢試將史傳從頭
讀不說西京有杜鵑

種瓜

一畝荒園石觀沙若爲圖畫不傷瓜丁寧落蒂方拈

出輒莫攬先摘褪花

悼壽此山○善畫尤工於狗

七軸瀾翻卷怒潮九天恩重記前朝力鞭敵鯨防侵
稼活寫厓獠惡吠堯秋愧囊螢心未老春風吹雪鬢
先彫青雷土立青如削千載高風不寂寥

花芥

澹金生色染宮黃只作坡菱亦擅場稚子不能供小
摘相呼僕蝶趁斜陽
謝遣 趙根煮菜根雨畦晴圃駐春痕聽它歲之蕃孫
息百億須彌不足吞

書平田田家壁

簪簪地埴自陶漁上大人題小教書不過亂山深處
路人間無處問唐虞

積雨

積雨低田欲再車經旬濕稼蘖寒沙絕冷白念如蕉
穀大浸稽天不復芽

竹居

水雲不羈隨所寓破包不挂無竹處眼前一日無此
君朽素徒將六駿御豈無花木事幽討自然南北如
岐路苕溪阿珂秀而古虛心問之雲何趣數椽老屋
傍深雲一畝清陰著環堵歲寒門戶不勝冷昏夢池
塘時得助堅剛老節貫凌霜冷澹生涯不受暑客來

燒筍然竹枝客去呼兒紉竹布更製芟荷供歲晚旋
米蕨薇歌日暮便從此地賦真游更把故山爲別墅
不妨月夜據胡床細掃苔痕印芒屨

紅葉

獵之翻之赤羽旗霜裁風剪亂零吹打囚便是敲蓬
響夢斷吳江欲冷時

要與松筠共歲寒聽它青女苦彫殘不於葉上添生
色誰辨剛中一寸丹

鄭老毫端醉墨濃朝朝偃偻拾西風那知猩血燕脂
外畫在銀鈎鐵畫中

句滿山林寫不成怕綠流水誤虛名夕陽滿樹牛羊

下只看玲瓏血色明

趁得晴秋作許妍動人春色政秋寒林塘水冷溪痕
瘦鏡裡何曾欠渥丹

樹下收帆繫斷旄樹頭新染夜來霜小春未凜猶相
負款曲辭柯不要忙

益老得廣惠呈制帥大資樞閑居士

客已梅山訪把筇城隅閉鎖一枝巢金園俗下謬公
舉玉帳眼明尋淡交不但據鞍尤矍鑠尚堪策蹇作
推敲米毫不借江山助誰爲高人賦解嘲

圓明後葬者居祖塔前屬寺僧樹表以識之

小倚雨北盡借居彷彿天花傍鏡湖支遁廐中多養

駿丈人屋上試占烏軒面之雲痕濕樓觀層之水
影孤惆悵門前一杯上脩誰封殖或樵蘇

萬卷堂

昔聞先進之野人耕養之外三年通一經區々三六
一十有八載六經未必皆知津獵々牙籤三萬軸當
時想見從頭讀若將有限趁無窮偃鼠飲河徒滿腹
何如一笑俱忘言文字洗空如露蟬等閒一嘆盡其
要蕭郎餘習三生前萬卷堂中浩如海一類曾中無
芥帶龍葱初日上闌干坦腹便便日中曬

西湖夜歸觀打魚懷趙京兆○代人

德人天游樂者全亦以此樂均魚鳶陶然亦復忘所

樂西湖澄澈如心淵管領西湖人不火前後無如趙
京兆至今畫手畫西湖不著綠蓑人獨釣胡爲今夜
月滿湖大舡小舡皆得魚之登罔罟叫不得那知老
子今歸歟滔々京兆萬人海平地翻濤渺無蓋活魚
之外兀活人人在甘棠頌遺愛

墨梅

描漁擅綠黥素元萬紅千紫失根源大玄自古人嫌
白白盡何妨反太玄

楚之仙裳澹染緇耐寒宜瘦不宜肥莫言無子調商
鼎卿相當年有黑衣

省力尋春愈出奇闕篷圖上看新詩殺風景問春知

否兩手風霜一樣龜

莫恨丹青廢畫工不須求異只須同玉容弗及寒鴉色故託緇塵異漢宮

黑竹

搜攪微茫到物初解衣盤礴便扶疎歲寒節之曾參透不負剛明一寸虛

送道州使君江西張正父○曾擬冠

詞學清流屬上游可曾輕外嘆進留半生蕭洒居仁宅千騎精明赴道州曾擬朝陽鳴老鳳暫從楚水問盟鷗不妨高索山人賈欵曲歸來儘黑頭

客去

茗椀篝燈自校讎長歌伐木歎吟儔九回斷續珠難度八月淒涼燕不留夜雨憶同湖上榻舊題曾拂磻西樓破囊猶有新篇在輒莫逢人說暗投

佛手巖雨過

白雲裹山裹不盡高處露頭低露脛一條懸水透雲飛雪色蜿蜒伸脊領畫然怒卷風霆震銀鱗玉鱗俱奮迅滂然纒歇四山明濕盡悠之雲萬頃是時豁達縱雙明巖巘更無毫髮隱大華巋然不較多直上削成五千仞想應有路近丹梯未必無花開玉井便欲攀花供歲晚更擎藕刺剗短艇徑上明河欲盡頭塊貌九州聊一瞬

飛湍

飛湍哀々飛當戶平地隆々萬鼉鼓澎轟亂石震風
霆崩奔千仞無朝莫濤神何許駕潮來餘憤未平方
震怒又若飛廉聲萬竅餘勇尚多無處買年時旱涸
尚如此况當八月九月雨淵潛雖伏不能安林棲欲
寐還驚顧山翁慣聽如不聞只應自樂山中趣對床
展轉悲游子咫尺華胥迷去路欲隨胡蝶翩々舉空
過夜遙忘榻大起來晨炊惡草具誤作迅雷仍失筋
呼童秣馬不火駐不待黎明出山去出山定入紅塵
去欲去謂言姑小住此聲不似鄭聲淫聒耳雖喧君
勿惡

雨後山水入潮江方巖素賦

湍雲投江只得渾觀濶未了復消魂不知從此隨流
去清白何時得反元

海莊觀稼

東輸三十六溪洫海若餘訝不足吞我有黃雲連斷
岸夜深隨月看潮痕

方巖王侍郎江西破賊歸

大厦難將一木支駕言孺子託心期絕怜十八灘頭
樹不管安危管別離

左蠡揚瀾草葑湖軸軀噉尾礮前驅葦航摺疊多餘
地潛伏驚騰在卷舒○小舟迫窄自笑日今爲摺疊

侍郎矣

劉改之題王摠幹虜中懷親帖拉朴翁與余同

賦○王識之祖

白雲起處感親深故倚西風動越吟送老有田非住
計欲飛無翼是歸心強隨隣里雖胡語自教琵琶只
漢音土瘞遐荒元不死夜干牛斗尚千尋

方巖惠蕉絲布

綠趁桃柳剪黃如柘繭抽海綃雲湛漆魯縞玉溫柔
待月投清夜炊菰夢冷秋直然無可報雜佩不中酬

舟中醺竹巖

官舡只合辨清游却載蛩聲雨夜愁明日蓼花蘋葉

上不知轉得幾分秋

松花

都將墜粉掃殘枝聊伴伊蒲習蕨薇合賦老饕矜厚
享秋池更有芰荷衣

候錢蛻堂○大鄉

屬聞旌節西南歸跨劍越棧闕峨眉便將峨眉歎廬
阜孔明十倍於曹丕懷哉西南一萬里日者庸人擾
之耳豁然天地復清明斷自葛韋遺俗起我尋竹巖
踏雪來好懷盡爲江山開人物於人尤不惡更於衆
角尋鱗角

松風閣○永嘉

繞簷惡才方童，蒼官著脚將焉從。海濤熨帖清涵
空，不見蘋末來蓬。是時散夜闌，獨倚不曉此中題。
榜意但見茫，漲軟紅撲滿。市人烏帽底，蜀仙茶鼎
扛無人寥々，不復聞此聲。玉川涼腋更渺邈，鸞只
今無地生尚憐芳草春。池句夢破客兒煩，舉似殺胎
換骨蛻氛埃，叢霄九萬冷然去。

躑躅

露凝丹臉粲芳肌，不御鉛華亦自奇。強學海棠春睡
足，如何學得未醒時。

春江曲

十里西江日日佳，回汀曲渚艷春華。秋來等得明如

練，未必蒲花似柳花。

贈筆工

護惜神鋒速，缺殘回觀敗。琢只潛然只，今汗血無人
謂朽骨成山，直幾錢。

劉簿分賜茶

吁嗟草木之擅場，政和御焙登俊良。雙龍小鳳取巧
制，斷壁零圭誇襲藏。晴窗團玉手自碾，旋焙鐵坯玄
栗。盞瓦瓶只候蚯蚓泣，不復浪驚浮俗眼。卯金之
我所識，戶外青梨扶太一。十襲攜來訪賞音，清白猶
能勝黃白。君家阿伶兩眼花，以德頌酒不頌茶。遂人
手閱三百片，風味盡在山人家。潮從委羽山前漲，少

得清漣入瓶盞飄淪天漿睡足時香續絲綸九天上
笑軒沈仲歸挽章○修三國志獻賦
尊周微意託炎劉穢史端今後世羞不把邊經究終
始安知吾忘在春秋虹霓未吐身先老龜手空傳自
不俟奏賦長楊天上去斷編殘簡亂山丘

黃侍郎帥閩解后皎如晦受業寺

送客稽山欲盡頭丁寧一語駐驂驪荔枝莫惜輕紅
擘醪醑何妨大白浮語必驚人休徵失才多在野細
尋搜此懷只合從公賦說與它人定暗投

蕙林

薰石騰芳蕙藉無砌埒金綠函涵一鏡朱戶掩雙岑

新有吳霜著鬢顛却無俗駕到門前試尋池草生春
思不爲樓鐘廢曉眠荼苦易荒鉏短日巨甘多種廩
殘年家生冷淡尤堪笑却怕炎之又可伶

驥無稱築墻護放生池

鑿山焚圃幻屏惟自出胷中一段奇拓壽域歸常住
地注恩波入放生池剪蒿忍放蛙分部空穴寧致鬼
不疑坐看春風歸約勒先開墻角凹南枝

貧樂堂

瓦盂脫粟自成歌直與簞瓢不較多弗恨道人貧似
我却嫌所樂弗如它

潘子善范先之林自知賦木犀囑和

孤芳如阿平晚乃出六奇傍睨肅聽瑩請試從元推
韻如聖之清避世觀商衰翠幄方童之露葉流蟾輝
降真換骨法譜謀當尋披悠之千斛香鮮風如駟馳
灑秋百草死不復千等威江蘿交晚生楚英託深和
維柳追逸駕峻坂方驅羸尤物能移人心正物自移
年六月中仙一人簪一枝後先不須問亦各安其時

貢粟

我有一斗粟不暇春作糜寧受梨莢誰不忍剛腸嘶
要果天下腸吾飢吾敢辭長願飽者飽毋使飢人飢
古之聖之清吾獨稱夷齊米薇替周粟所樂甘如飴
山亦不義山薇亦不義薇惟其不素食食粟令人思

度土觀肥瘠移根較淺深不愁新綠暗長恐歎紅侵
剪翠滋繁露留芬引碧溥芝蘭元並德姚魏不同心
暑戰知勅敵霜零撫壯襟曉梳風獵之晚沐雨森之
草色分春思苔痕借夕陰綴叢流夜照擁砌通秋吟
佳樹青油幕幽泉綠綺琴帳空從鶴怨盟在聽鷗尋
觸勝齊蠻負騷亡甚雅沈吟香須細寫搔短愜芳簪
野逸勤招隱清狂苦不禁悠然飽風味送日挂岑岑

夜泊故山

群峰雪後尚崔嵬行盡黃昏不見梅獨有故廬山數
曲殷勤推月過溪來

略約橫溪度荀輿稚松孫竹半蓁蕪呼童相伴鉏明

月缺處重添一兩株

已巳元宵種松慶母生初

白髮生初慶此朝手移松桂上宮堯要知雪操寒尤
勁長伴庭萱老不彫牲養獨慙虧夙志綵衣猶記舞
元宵旋添萬木青青色小作寒江漲怒潮

曹侯舊作題紅扇子永嘉陳原父得之

未將心事付題紅已有靈犀一點通
來筆春歸橫槩後高情都屬小元龍

晚歸

晚涼初試出嚴城雲表浮圖恰上燈歸權只知將月
去不知搖碎玉稜稜

一犁春雨圖

謝家風流絕代無底事要作耕田夫一犁春雨開新
圖此圖之作胡爲乎莫是天民先覺者小試經綸起
莘野復將斯道覺斯民千載精神入模寫不然淵明
賦歸後荷鋤去種南山豈晚風新霽擢良苗一段風
光相授受扣之輒笑橫點頭老農老圃吾何求六經
蕪翳刀穠養百玉理亂深鋤耨剪之芡茨出林鐸菽
水清歡在其下聖賢所樂屬吾廬當觀吾廬莫觀圖
朴翁加冠巾蘇召叟訝予不朝之

見與聞同駭且猜多應自斷不化裁聰明斷種豈僧
事鏤鑠據鞍須將才好在夕陽愁夜近懷哉鮪齒尚

心孩自非獨善林泉嬾應是林泉火福媒

酬水心葉待制見寄宿覺養記并詩

天藏今偶得人傑古猶存莫遺苜封徑寧教竹礙門
市喧酣蟻戰潮晚看鯨吞金粟元非病何妨一駕言

中津

帆挂中津趁落潮且停雙槳不須搖却將中散憑闌
意直送孤鴻到玉霄

吳江道中

蔓滋螟螣燕孫謀爭得勢砧不怨秋築圃莫嫌登程
火尚餘蒿麥趁霜收

牧童

蓬鬆祖耽倒騎牛折得山花便滿頭強使借歌渾不
聽云它天籟自鳴休

秀侍者致

葵藿不甘羊酪羶筍蕨雋求非薨蠶樹雞風度掃梨
黃蓋其氏者尤稱賢粵腴孕秀茁枯朽軟濕不齊相
後先春風薰陶紫芝秀陸地挺特荷錢圓雖非靈椿
八千歲要與風月三千篇古源阿棠文人行薦新已辨
羅百籩開端慨慷約同餉一語不移金石堅過門走致
續綸手不記舊約篝燈前小空在左轉反睨解衣作
質呼芳鮮曉嬰嬾汲井花水地爐瓦鼎相周旋蒲萄
餘瀝正其味塩醢不御全乎天綴盂獨當第一義曾

水洗空十萬錢不須沈澆更疏瀹欲跨明月凌風煙

樵谷

谷口雲橫草不生弗容斤斧弗容耕呼童盡恰風前
葉自去提撕折腳鐺

栢堂

千載霜苓孕屈盤唐風饕雪不知難客來莫話西來
意添箇蒲團話歲寒

雪川

茅茨傍水似浮家自把蘋洲缺處會魚來常多蔬菜
火葶根挑盡到蘆芽

酬于君實

